

本草述鉤元卷七下

山草部

武進楊時泰貞頤輯

元參

莖方作節紫赤有細毛葉似芍藥七月開白花或茄色花端
叢刺刺端有鉤八月結黑子宜三八月采根用

味苦鹹氣微寒苦下氣寒除熱鹹潤下而軟堅足少陰腎經

君藥

主治補腎氣除陰中氣分游火清三焦氣散游風療

熱風頭痛明目

此爲少陰君藥次之即肝故目疾虛實皆用之

祛喉舌浮熱爲病育

陰氣除心煩治暴結熱解斑毒通小便血滯散瘤癭瘰癧

散火

之功守真言結核是火病

方書主消癰中風虛勞傷燥發熱著痺驚悸

盜汗口耳屑齒皮膚諸熱爲病

元參乃樞機之劑管領諸

氣上下肅清而不濁風藥中多用之治上焦空中氤氲之氣

無根之火爲聖藥 又補腎中氤氲之氣降陰火奔騰 同

升麻甘草等分水煎治發斑咽痛 同鼠黏子半生半炒各

兩許爲末新汲水服治急喉痺風 同地黃甘菊蒺藜杞子

柴胡能明目 同貝母連翹甘草薄荷枯蔓根夏枯草治瘰

癧 同知母麥冬竹葉治傷寒陽毒汗下後熱毒不散心煩

懊懣不得眠心神顛倒欲絕 同黃連大黃等分蜜丸治三

焦積熱 同升麻大黃犀角治胃熱發斑 同貝母花粉芩

連枳桔升麻甘草治上焦熱痰盛而作渴口舌腫痛 同升

麻犀角黃芩甘草桔梗赤芍貫衆治心脾壅熱舌上生瘡木

舌舌腫或連頰項腫痛

以上實熱以下虛熱

入天王補心丹除怔忡

定驚悸祛煩熱療咽乾育養心神

入清熱補氣湯治中氣

虛熱口舌如無皮狀或發熱作渴

入清熱補血湯治口舌

生瘡體倦少食目瞤益甚或目濇熱痛

論 元參色黑爲水潤下本鹹味苦氣寒爲足少陰的劑與

地黃功同益腎而元參所主者陰氣也地黃壯水以制火元

參則管領諸氣舉浮游之火或炎或聚者能清而散之之頤

曰已向乎陽

爲其味苦

未離於陰

爲其氣寒

儼似少陰之樞象殆具備

少陰之體用者其補腎氣是補腎氣方萌之機兆非補腎臟

欲藏之形質也凡病本於氣化熱者此能致其至陰於氣分

故熱所結之氣不限上下不分虛實隨其或主或輔而皆可

肅清

凡熱遇至陰之氣而卽化

夫實爲邪氣實除邪不能盡藉乎此而以

此味之陰氣化氣之并於邪者虛爲正氣虛補正亦不能盡藉乎此而以此味之陰氣助氣之歉於正者元參之能事如是用之者宜量其所長也繆氏謂元參稟水氣而兼得春陽之和此與風藥中多用之義正合

海藏云

虛而寒者切禁凡血少目昏停飲支滿腹痛泄瀉並不宜服

仲淳

修治 黑潤者佳酒洗去塵土酒拌蒸切片曬乾極忌銅鐵

入滋陰劑須蒸曬過差減寒性

地榆

一名酸赭

根味微苦酸氣微寒氣薄味厚沉而降陰也入足厥陰少陰

手足陽明經專主下焦血治下部積熱血痢並腸風下血

女子月經不止血崩古者斷下多用之產前後諸血疾小兒疳痢止

痔瘻膿血補絕傷主內漏止血不足別錄治膽氣不足東垣

同樗皮治赤白痢得銀花等分佐以芍藥甘草枳殼黃

連烏梅治血痢如熱在心經下痢純鮮血則加生犀角汁十

五匙神驗附方血痢不止地榆曬研每用二錢摻在羊

血上炙熟食之以捻頭煎湯送下久病腸風痛癢不止地

榆五錢蒼朮一兩水煎空心日一服 結陰下血腹痛不已

地榆

四兩

炙甘草

三兩

每服五錢水一盞入縮砂四七枚煎

一盞半分二服

論 地榆當七月而花實乘金之收氣以降故其用在根其
根外黑內紅合於子之紫黑色蓋本於至陰之腎而布地道
生育之化宜於血痢崩漏之屬熱而虛者爲其微寒而帶補
也

故斷下多用而
熱痢不可驟用

第其以純陰對待積熱亦宜有以佐之如

血痢不止合於羊血久病腸風合於蒼朮結陰下血合於炙

草縮砂卽三方推之以盡其用可也

繆氏云凡虛寒作泄白痢胃弱及胎產泄瀉血崩脾虛作泄

法並禁服

修治

切之如綿者良酒洗

治大小便血證止血取上截

切片炒用其梢則能行血不可不知

丹參

根長尺餘皮丹肉紫

賣家多染色須辨之

冬采者良去蘆用

氣味苦平微溫入手足少陰手足厥陰經

心之所主者血也心虛則邪氣客之

爲煩滿結氣肝虛則熱甚風生氣血凝滯爲癥瘕除寒熱積聚腎虛而寒濕邪客之則腰脊強脚痺入三經而除所苦諸證

平自

主心腹邪氣腸鳴幽幽如走水去心腹痼疾結氣通利

關脈益氣養血養神定志治寒熱積聚破癥除瘕療冷熱勞

骨節疼痛腰脊強脚痺除風邪留熱風痺足軟

漬酒飲

調婦女

經脈不勻胎產血崩帶下及血邪心煩久服多眼赤

故應性熱

方書治中風發熱水腫吐血脇痛著痺癰悸健忘消瘴活

血通心包絡治疝痛

瀨湖

一味丹參散功同四物湯以其破

宿血補新血安生胎落死胎止崩帶調經脈故也

又

入天

王補心丹則補心

同牛膝地黃黃芪黃檗能健步

同鰲

甲牡蠣丹皮青蒿延胡牛膝乾漆水赤蓼子主心腹痼疾結
氣寒熱積聚破癥除瘕同麥冬沙參五味子甘草青蒿梔

朮止煩滿

同牛膝萆薢木瓜稀薤杜仲續斷主腰脊強脚

痺除風邪留熱

同人參麥冬棗仁地黃益氣養血

獨用

一兩爲末熱酒每服二錢主寒疝少腹及陰相引痛自汗出

欲死

丹參散治婦人經脈不調

或前或後或多或少

產前胎不安產

後惡血不下兼治冷熱勞腰脊痛骨節煩疼用丹參洗淨切

曬爲末每服二錢溫酒調下

落胎下血丹參

十二兩

酒五升

煮取三升溫服一升日三服亦可水煮

論 丹參皮丹肉紫而味苦爲火之用藥據其奏效似通利

關脈一語足以概之然別錄謂其養血本經且謂益氣而先

哲又以養神定志歸之其義何若蓋此味水火之二氣具足

其開花成穗自三月以至九月正經所謂夏月蕃秀使氣得

泄者而采根必以冬時豈非反所自始爲得全金水之氣以

昌木火之用乎惟其如是故宿血宜破新血宜生生胎宜安

死胎宜落自有合於天然之生化而不戾其所宜者

血原於水而成

於火此味由生血化血之全功而通利關脈其通利不可與破泄之味同論

夫水中有火而氣生

水上合於火而氣化氣化卽化血火中有水而血生火下合

於水而血化血化卽化精

要本於肺氣下歸命門然後血化精

此品水中有火

而水至於火以達其氣化氣之所化則血之滯者行枯者生

能化能生政通利關脈之本也人身之先天惟此陰陽具於

腎人身之後天惟此氣血主於心氣血一息不周則陰陽之

元化病矣惟心主實握由氣化血之權故其變化而赤者雖

屬於中焦氣化實主於心及包絡是主血之地乃爲血所生

化之先天然則流貫一身而無微不至無氣不隨者可不尋

繹其生化之先天而漫言何臟統血何臟藏血哉明乎此則益氣養血皆可得其主腦而善用以奏功矣
繆氏云妊娠無故勿服

紫參

又名牡蒙六月采根曬乾皮色紅紫肉帶紅白

苦辛微寒氣味俱厚陰也降也入足厥陰亦入足陽明爲除熱散結逐血之要藥主心腹積聚寒熱邪氣

皆因於血之滯

通九

竅利大小便治腸胃大熱血痢吐衄腸中聚血婦人血閉治

諸血病及癰腫積塊之屬厥陰者療金瘡破血生肌肉止渴

補虛益氣佐甘草治下利純血腹痛名紫參湯吐血不

止用紫參阿膠甘草等分爲末烏梅湯或糯米湯服一二錢
論 紫參專入血分而血分之治專主其滯者何也以此品
五月開花雖苦寒而實透於至陽之氣化以出卽采根亦以
六月陽極之候非因其乘陽氣以化陰者入血而奏宣瘀和
血之功乎若止用其苦寒以對待血滯雖有大熱恐不免犯
寒泣之忌矣况補虛益氣如蘇恭所說豈能責之苦寒乎由
斯繹之則茲味不甚寒而能療大熱之溢血亦善物也

黃連

雅州眉州者良有二種一根粗無毛有連珠形如鷹爪其質
堅實其色深黃一無珠多毛中虛色淡黃用各有所宜

覈

節多堅重相擊有聲色鮮明如赤金者善蘆多者劣瘦小鬚

多者不堪入藥

原始

根味苦而厚氣寒而降性冷而燥陰也入手少陰經

苦入心火就燥

並入手陽明足少陽厥陰足陽明太陰

經冬不凋寒水之

象有節色黃中土之制心之用藥也

復

鎮肝涼血

本寒水之化以

入心故能涼血涼血卽所以鎮肝

調胃厚腸主治鬱熱在中煩燥消渴或元

元欲吐心下痞滿

仲景治九種心下痞五等瀉心湯皆用之

吞酸吐酸或卒心痛

並脇及小腹邊痛熱嘔熱瀉一切濕熱腹痛熱痢五臟冷熱

久下泄澀膿血療暑毒及一切天行熱毒諸瘡瘍毒治熱氣

目痛背傷淚出又小兒疳氣婦人陰中腫痛

諸本草

能瀉心

火故本草言其寧神治驚悸安神定驚等丸皆用之嵩凡

治血病防風爲上使黃連爲中使

瀉心實瀉脾故目爲中焦使藥

地榆爲下

使

海藏

蓋心爲血主黃連本寒水之化以入心正所以調血而

治腸澼諸病也

傷寒留蓄惡血內外俱熱有證與少陽相

似者如服小柴胡不效當以黃連

一分

赤茯苓

半分

入燈心

煎與之又大小產熱入血室小柴胡力所不及者於內加五

靈脂仍以黃連赤苓佐之蓋心主血而連苓皆清心涼血之

劑也

仁齋

黃連入中土氣分去濕熱而瀉心火若脾胃氣虛

不能轉運者以茯苓黃芩代之

丹溪

丹溪治食積丸首用黃

連以吳萸製連而治左以益智製連而治右

佐以枳殼消

痞甚速用薑汁製炒治上焦痰火

嘉謨

同木香用治心下痞

并腸中積滯爲腹痛下痢之要藥同吳萸用治肝火兼脇與

小腹邊痛又爲吞吐酸水要藥

嵩

黃連爲病酒之仙藥滯

下之神草六經所至各有殊功

仲淳

諸苦寒藥多泄惟連槩

性冷而燥能降火去濕而止瀉痢故治痢以之爲君蓋治痢

惟宜辛苦寒藥辛能發散開通鬱結苦能燥濕寒能勝熱使

氣宣平而已

守真

下痢胃口熱噤口者用黃連人參煎湯終

日呷之如吐再強飲但得一呷下嚥便好

丹溪

以黃土薑汁

酒蜜四炒爲君使君子爲臣酒白芍爲佐木香爲使治小兒

五疳以吳萸同炒加木香等分生大黃倍之水丸治五痢

韓愈

治痢用乾薑黃連

名薑連散

治消渴用酒蒸黃連治口瘡用細

辛黃連不獨相制而無偏勝之患亦審其受病之淺深臟腑之上下以製使也 同赤檉葉入三黃石膏湯治痧疹已透

而煩燥不止

入當歸六黃湯加棗仁龍眼治盜汗

同地

黃甘菊荆芥穗甘草梢柴胡川芎木通蟬蛻治風熱上攻目

赤痛

同芍藥扁豆蓮子升麻滑石甘草紅麴治一切滯下

膿血

同槐花枳殼乳香沒藥治滯下純血腹痛

同人參

蓮子治虛人患痢及老人產婦滯下不止

同麥冬五味治

卒消渴小便多

同五穀蟲蘆薈白蕪荑青黛白槿花白芙

蓉花治小兒一切疳熱

附方

香連丸治赤白諸痢裏急